

Sarajevo, 10.11.2017. godine

Vlada FBiH

Predmet: Inicijativa za donošenje Uredbe

Poštovani,

Članice Grupacije poslodavaca iz oblasti trgovine pri Udruženju poslodavaca FBiH, poput Binga, DM-a, Konzuma, Mercatora, Prodexa, Amko komerca i mnogih drugih su zbog nepostojanja propisa u Federaciji BiH i neusklađenosti entitetskih propisa, prinuđeni da na različit način deklariraju kozmetičke proizvode i navode rokove trajanja na proizvodima koji se plasiraju na području Federacije BiH i Republike Srpske.

Propisi u Federaciji BiH i Republici Srpskoj istu materiju regulišu na dva različita načina, čime se otežava poslovanje i poslodavci dovode u neravnopravan položaj.

Ukoliko trgovac deklarirše proizvod prema važećim propisima u Federaciji BiH, bit će kažnjen na području Republike Srpske, a ukoliko deklarirše proizvod prema važećim propisima u Republici Srpskoj bit će kažnjen na području Federacije BiH.

Kazne za trgovca, kao pravno lice u Republici Srpskoj iznose **od 1.000 KM do 5.000 KM**, a kazne za odgovorno lice u pravnom licu iznose **od 500 KM do 2.500 KM**.

U Federaciji BiH kazne za trgovce su **od 2.500 KM do 5.500 KM**, a kazne za odgovorno lice u pravnom licu iznose **od 500 KM do 1.000 KM**, što predstavlja dodatne troškove za poslodavce.

Pored izricanja kazni za prekršaje trgovci su izloženi **dodatnim troškovima** prevođenja deklaracija, etiketiranja proizvoda, skladištenja proizvoda, a ti troškovi na godišnjem nivou iznose oko 2,2% od nabavne vrijednosti proizvoda.

Ovakvim postupanjem ograničava se sloboda kretanja roba, usluga, kapitala i lica, a što je u suprotnosti sa **članom 4. Ustava BiH**.

Zbog važnosti ovog problema, Udruženje poslodavaca FBiH je organizovalo sastanak na kojem su prisustvovali predstavnici: Ministarstva vanjske trgovine i ekonomskih odnosa BiH,

entitetskih ministarstava zdravstva, entitetskih inspektorata i najvećih trgovačkih lanaca u BiH. Predstavnici nadležnih institucija su podržali inicijativu da se ovaj problem što hitnije riješi i jednoglasno donijeli zaključak da će se uputiti Inicijativa Vladi FBiH za donošenje uredbe kojom će se privremeno regulisati ovo pitanje, a istovremeno će Ministarstvo zdravstva FBiH sačiniti prijedlog Zakona o predmetima opće upotrebe u FBiH i Pravilnika o bezbjednosti predmeta široke potrošnje u FBiH.

Na ovaj način će se riješiti problem nepostojanja zakonskih i podzakonskih akata na nivou Federacije BiH, harmonizovati propisi dva entiteta, onemogućiti različita tumačenja propisa od strane entitetskih inspektora i rasteretiti poslodavci.

Uvaženi premijeru molimo vas da shvatite ozbiljnost ovog problema i poslodavce oslobodite jednog dijela troškova kojim su izloženi zbog različitog načina poslovanja na području dva entiteta u BiH.

Ukoliko se ne riješi ovo pitanje u razumnom roku, Udruženje poslodavaca FBiH će biti prinuđeno da putem ovlaštenih predstavnika pokrene postupak ocjene ustavnosti zakona u Federaciji BiH i Republici Srpskoj koji su diskriminirajući. Bosna i Hercegovina predstavlja jedinstveno ekonomsko tržište i moraju se omogućiti jednaki uslovi poslovanja na području oba entiteta.